



大衿衫（南四縣腔）

拖箱肚

該領青色个大衿衫

係阿婆後生時節

行嫁个嫁妝

飄洋過海嫁到臺灣

無熟識个人

無熟識个景

手中搵等故鄉个黃泥

身項著等阿姆做大衿衫

心肝頭還惱起

爺哀个叮嚀

千萬愛忍耐啊

千萬愛堅強啊

一日一日

一年一年

結婚降子 農事 做廚

斷烏

起身䟽床

點燈盞

攞過幾下針

補過幾下空

笑微微仔緊看

大衿衫還係異靚

故事係無結尾个故事
雨落無停
大衿衫還係
孤栖个眠在該片
在伙房肚

作者感言

會寫這首《大衿衫》，主要係想著吾婆頭擺个事情，該代人係異等艱苦个，有成時看著佢用針線在燈盞底下補大衿衫，故所，佢正會有靈感寫《大衿衫》。

客家婦女做個四頭四尾，逐項都愛會，但係有人識知曉佢等个辛勞無？

寫詩、寫小說、寫兒童文學、寫極短篇、寫劇本，都承蒙各位先生个鼓勵同相惜，最尾，佢愛感謝佢个阿婆、爺哀，教佢恁優美个客家話，做得分佢寫出優美又有感情个客家詩。

羅秀玲

臺北縣中和市復興、臺北市內湖區內湖、臺北市明湖國民小學 本土語言支援教師

大安、中山、內湖社區大學 客語講師

